

## Universitätsbibliothek Paderborn

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;  
necnon varia summorum Pontificum Decreta, contra Moralis corruptæ  
propositiones, & alia

**Genet, François**

**Parisiis, 1703**

Q. 12. In quo consistit Charitas, seu benignitas, quam Ecclesiæ Canones,  
& sancti Patres identidem inculcant Confessariis?

**urn:nbn:de:hbz:466:1-40817**

euazione , e la consegni al penitente ; & in tutto proceda di maniera che fugga ogni ombra & apparenza d'avaritia,

Quæst. 12. In quo consistit Charitas , seu benignitas , quam Ecclesiæ Canones , & sancti Patres identidem inculcant Confessariis ?

Resp. Hæc benignitas ostendi debet in modo charitate pleno recipiendi pœnitentem , cui restari debet Confessarius ingens ejus salutis desiderium , simulque manifestare se paratum esse omnia planè tentare , ut spirituali ejus morbo medeatur , & præcipue cavere debet , ne exhibeat pœnitenti se ægrè eum audire in Confessione. Nam , ut ait sanctus Ambrosius , s. Ambr. De quemadmodum se tibi curandum prabeat , Pœnit. lib. 14. quem fastidio habeas ? Qui contemptu se , non cap. 13. compassioni medico suo putet futurum ? Confessarius pœnitenti viscera misericordiaæ debet ostendere , nec quidquam negligere quod eum à peccato revocare possit , & ad Deum verâ animi contritione & vitæ mutatione conducere.

Debet etiam sapienter cum summa suavitate temperare remedia pœnitenti applicanda , & necessarias correptiones laudibus intermissis , ut facilius se in ejus animum insinuet : imitari debet Sapientes Medicos , qui ut ait sanctus s. Aug. in Augustinus , si quando usus poposcerit austeriora medicamenta agris offerunt mortalibus , ne ager utilitatem præ austertate refugiat , ora ac summitates paculi , quo remedium porrigit , melle circumliniunt.

Plerumque , inquit sanctus Gregorius , uti- s. Greg. Paf. lius corripimus si correptionibus quadam laudum fomenta misceamus. Inferenda namque sunt illis aut alia bona qua in ipsis sunt , aut dicendum certè qua poterant esse , si non sunt : Et tunc demum resecanda sunt mala qua nobis displicent , cùm prius ad audiendum eorum placabilem mentem fecerint præmissa bona qua-

## 184 TRACTATUS VI.

placent. Amaro pigmentorum poculo, mellis dulcedo adjungitur: ne ea qua saluti profutura est, in ipso gustu aspera amaritudo sentiatur: & dum gustus per dulcedinem fallitur, humor mortiferus per amaritudinem vacuantur. Ipsa ergo invectionis exordia permista sunt laude temperanda, ut dum admittunt favores quos diligunt, etiam correptiones recipiant quas oderunt.

Sub specie tamen benignitatis, cavere debet Confessarius, ne cum pœnitentibus eò crudelius agat, quo videtur blandius ipsos excipere, nec imitari debet eos, *Qui pulvillo*, ut loquitur Propheta, *sub omni cubito manus ponunt.*

S. Greg. Pastor. lib. 2.  
cap. 8.

Jerem. cap.  
7.

S. Prosp. de  
vita Act. Sa-  
cerdotis. lib.  
2. cap. 7.

In Epist. per  
univ. prov.  
teferunt.

Nam ut ait sanctus Gregorius, *Pulvillo quippe sub omni cubito manus ponere*, est carentes à sua rectitudine animas, atque in hujus mundi se dilectione reclinantes, blanda adulazione refovere; quasi enim *Pulvillo cubitum*, vel *cervicalibus caput jacentis excipitur*, cum correptionis duritia peccanti subtrahitur, eique mollities favoris adhibetur: ut in errore molliter faceat, quem nulla asperitas contradictionis pulsat. *Enimvero* tunc in ea profunda, sed falsa pace perseverant de qua loquens Jeremias ait, *Pax*, *Pax*; & non erat Pax.

Itaque Confessarius, ut vera cum benignitate pœnitentes suos excipiat, his Divi Profperi verbis debet attendere. *Cum vero nobis, Fratres*, quilibet peccata sua tanquam medicis vulnera quibus urgentur, aperiunt, operam dare dibemus, ut quantociùs ad sanitatem Deo authore perveniant; ne in pejus disimulata curatione proficiant.

*Qua est ista*, inquit Hormisdas Papa, ini-  
mica benignitas, palpare crimina, & vulnera

De Sacram. Pœnit. Cap. XII. 185

ra eorum usque ad diem iudicii incurata  
servare?

Qui vitiis nutrientibus parcit, inquit sanctus Augustinus relatus in Canone, ne contristet peccantium voluntatem, tam non est misericors, quam qui non vult cultrum rapere pueri audiat plorantem, & non timet ne vulneratum doleat vel extinctum.

Lethargici, inquit idem Divus Augustinus, excitantur, phrenetici ligantur, & tamen utrique amantur.

Hæc falsa suavitas ita perniciosa visa est sancto Thomæ de Villanova, ut dixerit: Quid enim Ecclesiam Domini hodie perdit, nisi Confessorum & Pastorum blandiens adulation, deliniens demulcensque assentatio?

S. Aug. ad  
Loth. refer-  
tur in Can.  
Qui vitiis. 232  
quest. 5.

S. Aug. in  
Psalm. 34.  
p. 2.

In Serm. Fer-  
6. post Do-  
min. 4. qua-  
drag.

C A P U T XII.

De dilatione aut negatione absolutionis.

Quest. 1. **Q**uibusc preterim in casibus Confessarius absolutionem, vel omnino denegare debet, vel ad tempus differre?

Resp. Optimè quidem & solidissimè expli- cantur ab Eminentissimo Cardinale Grimaldi Aquensem Archiepiscopo, in suo Mandato Synodico, quod tanquam regulam Confessa- riis sue Dœcessis proposuit.

Casus Ordinarii in quibus Confessarii absolu- lutionem differre vel negare debent: Sacrae Scripturæ, Conciliorum, Summorum Ponti- ficum, sanctorum Patrum, & aliorum sancto- rum Doctorum testimoniis confirmati.

Per Eminentissimum Cardinalem Grimaldi,  
Aquensem Archiepiscopum.